



## Praktis Ekstra Peribahasa

Pilih peribahasa atau maksud peribahasa yang paling sesuai bagi pernyataan-pernyataan yang berikut.

- Azlan dan Azmir merupakan adik-beradik kembar, tetapi sikap dan perangai mereka amat berbeza. Hal ini diibaratkan
  - seperti kera sumbang
  - seperti langit dengan bumi
  - seperti ayam dimakan tungau
  - seperti katak di bawah tempurung
- Farisha kelihatan amat cantik ketika menghadiri majlis itu walaupun dia dikelilingi oleh rakan-rakan yang cantik. Keadaan Farisha dikatakan
  - bagai isi dengan kuku
  - bagai cacing kepanasan
  - bagai bulan dipagar bintang
  - bagai embun dihujung rumput
- Azli gemar bertanya kepada Cikgu Roslan apabila dia tidak memahami penerangan yang diberikan oleh gurunya itu kerana baginya
  - berat mata memandang, berat lagi bahu yang memikul
  - sesal dahulu pendapatan, sesal kemudian tidak berguna
  - tenang-tenang air di sungai, jangan disangka tiada buaya
  - malu bertanya sesat jalan, malu berdayung perahu hanyut
- Peribahasa yang berikut berkaitan dengan amalan bermuafakat dan saling membantu, **kecuali**
  - bagai aur dengan tebing
  - bagai menatang minyak yang penuh
  - bukit sama didaki, lurah sama dituruni
  - berat sama dipikul, ringan sama dijinjing
- Penduduk negara jiran amat gemar mencari peluang pekerjaan di negara kita kerana kestabilan dan kemakmuran negara kita. Peribahasa yang sesuai bagi situasi ini ialah
  - ada gula ada semut
  - jauh di mata dekat di hati
  - sebelum nasi menjadi bubur
  - kais pagi makan pagi, kais petang makan petang
- Pengawas yang menjadi saksi dalam kes buli tersebut tidak menyebelahi mana-mana pihak. Peribahasa yang sesuai bagi menerangkan situasi ini ialah
  - atas angin
  - atas pagar
  - cahaya mata
  - bau-bau bacang
- Azwan memberikan pelbagai alasan untuk menolak ajakan Hakimi bagi menyertai kegiatan gotong-royong di tempat tinggal mereka. Keadaan ini dikatakan
  - biar putih tulang, jangan putih mata
  - di mana ada kemahuan, di situ ada jalan
  - hendak seribu daya, tak hendak seribu dalih
  - sepandai-pandai tupai melompat, akhirnya jatuh ke mana juga
- Peribahasa yang berikut tidak berkaitan dengan masalah yang dihadapi akibat terlalu mempercayai seseorang, **kecuali**
  - seperti membuang garam ke laut
  - harapkan pagar, pagar makan padi
  - harapkan guruh di langit, air di tempayan dicurahkan
  - sesal dahulu pendapatan, sesal kemudian tidak berguna
- Hafizi dihadiahkan sebuah basikal oleh ibu bapanya seperti yang dijanjikan setelah dia memperoleh kejayaan yang cemerlang dalam peperiksaan. Hal ini diibaratkan
  - kecil tapak tangan nyiru ditadahkan
  - berat sama dipikul, ringan sama dijinjing
  - hancur badan dikandung tanah, budi yang baik dikenang juga
  - kerbau dipegang pada talinya, manusia dipegang pada janjinya
- Berbelanja mengikut kemampuan sendiri dapat mengelakkan seseorang itu daripada amalan berhutang. Keadaan ini diumpamakan seperti peribahasa
  - alah bisa tegal biasa.
  - ukur baju di badan sendiri.
  - berjimat cermat amalan mulia.
  - sedikit-sedikit lama-lama menjadi bukit.